

Bosna i Hercegovina
Ministarstvo odbrane/obrane

Broj: 06-50-827-1/13
Sarajevo, 20.03.2013. godine



Босна и Херцеговина
Министарство одбране

28.03.2013
PRIMLJENO: 28.03.2013
01-50-1-15-42/13

PARLAMENTARNA SKUPŠTINA BOSNE I HERCEGOVINE
Predstavnički dom/Zastupnički dom

PREDMET: *Odgovor na poslaničko pitanje, dostavlja .-*

VEZA: Vaš dopis, broj: 01/a-50-1-15-42/13 od 18.02.2013. godine

Poštovani,

U prilogu akta, dostavljamo Vam odgovor na pitanje gospodina Beriza Belkića, poslanika u Predstavničkom domu Parlamentarne skupštine Bosne i Hercegovine, postavljeno na 42. sjednici Predstavničkog doma održanoj 14. februara 2013. godine.

Prilog: Odgovor na poslaničko pitanje

Dostavljeno:
- naslovu,
- a/a.



MINISTAR

Zekerijah Osmić, dipl.oec.

ODGOVOR NA PITANJE POSLANIKA, G-DINA BERIZA BELKIĆA

1. „Da li je tačna informacija koju smo čuli na radionici u Doboju održanoj 5. i 6. ovog mjeseca, da od ukupno 63 perspektivne lokacije vojne imovine za 50% nije spremna dokumentacija za uknjižbu, te da nije isključena mogućnost revidiranja utvrđenog spiska perspektivnih lokacija?“

Od formiranja Ministarstva odbrane BiH i donošenja Odluke Predsjedništva BiH o veličini strukturi i lokacijama Oružanih snaga BiH, pokrenut je postupak pribavljanja imovinsko-pravne dokumentacije za perspektivne vojne lokacije. Do početka 2009. godine, ovaj postupak je okončan i za sve perspektivne i neperspektivne lokacije koje koriste Oružane snage BiH pribavljena je, sortirana i informatički obrađena imovinsko-pravna dokumentacija. Jedina lokacija Oružanih snaga BiH koja je uknjižena na državu BiH dana 08.02.2012. godine (Čapljina), nije knjižena na pravno valjan način i ne daje pravo vlasništva (upravljanje i korištenje) Ministarstvu odbrane BiH.

Kroz realizaciju ovog postupka primijećeno je da kod dijela općina, na čijoj teritoriji se nalaze lokacije Oružanih snaga BiH, katastarska dokumentacija i zemljišne knjige nisu ažurirani i usaglašeni. U nekim općinama, zbog ratnih dešavanja, zemljišne knjige su uništene a u nekim općinama nisu uspostavljene, što čini veliki problem kako široj društvenoj zajednici tako i ostalim subjektima koji dokazuju prava na imovinu.

Prema Odluci Predsjedništva BiH o veličini, strukturi i lokacijama Oružanih snaga BiH, 63 lokacije su proglašene perspektivnim za Oružane snage BiH. Za sve ove lokacije pribavljena je i u više navrata znanavljana potrebna dokumentacija, tako da se došlo do podataka o nosiocima imovinskog prava na lokacijama, površinama lokacija, stanju upisa u katastarskim operatima općina na čijem se teritoriju iste nalaze i upisa u gruntovnicama općinskih sudova.

Analizirajući pribavljenu dokumentaciju došlo se do sljedećih podataka:

- za 31 lokaciju katastarsko i zemljišno-knjižno stanje se podudara,
- za 24 lokacije katastarsko i zemljišno-knjižno stanje se ne podudara,
- za 7 lokacija potrebno je definirati zemljišni obuhvat i provesti cijepanje parcela,
- za 1 lokaciju (poligon „Glamoč“) nisu riješeni imovinsko-pravni i potrebno je pribaviti, odnosno izvršiti eksproprijaciju zemljišta.

Bitno je navesti da su upisi u katastrima i zemljišnim knjigama raznoliki i da se ni u jednom od pribavljenih dokumenata Ministarstvo odbrane BiH ne vodi kao nosilac imovinskog prava.

Osnovni problem što se nije započelo sa postupkom uknjižbe, rješavanja problematike usklađivanja katastarskog i zemljišnoknjižnog stanja, definiranja zemljišnih obuhvata i cijepanja parcela te pribavljanja nekretnina, odnosno vršenja postupka eksproprijacije je nedostatak regulative koja bi definirala vlasnički status perspektivne vojne imovine. Nedostatak regulative koja tretira perspektivnu vojnu imovinu je blokirao daljnji rad nedležnih službi Ministarstva odbrane BiH.

Na osnovu navedenog, potrebno je na nivou Parlamentarne skupštine BiH donijeti regulativu (odluku) o uknjižbi 63 perspektivne lokacije za Oružane snage BiH na državu BiH, sa dodjelom prava upravljanja i korištenja Ministarstvu odbrane BiH i Oružanim snagama BiH. Na ovaj način, stekli bi se uslovi da Ministarstvo odbrane BiH pristupi postupku uknjižbe perspektivne vojne imovine.

Ministarstvo odbrane BiH nema u planu aktivnost revidiranja spiska perspektivnih vojnih lokacija.